

Na temelju članka 137. stavak 3. Zakona o zdravstvenoj zaštiti ("Službene novine Federacije BiH", broj 29/97), federalni ministar zdravstva, donosi

PRAVILNIK O STRUČNOM ISPITU ZA ZDRAVSTVENOG INSPEKTORA

Članak 1.

Ovim pravilnikom propisuje se program stručnog ispita za zdravstvenog inspektora, sastav ispitne komisije i način provođenja ispita.

Članak 2.

Stručni ispit za zdravstvenog inspektora se sastoji od općeg i posebnog dijela.

Opći dio stručnog ispita za zdravstvenog inspektora obuhvata slijedeće predmete:

- upravni postupak i upravni sporovi,
- prekršajni postupak.

Posebni dio stručnog ispita za zdravstvenog inspektora obuhvata slijedeće predmete:

- organizacija zdravstva,
- zdravstvena zaštita,
- zdravstveno osiguranje.

Članak 3.

Stručni ispit polaže se pred ispitnom komisijom.

Ispitnu komisiju imenuje federalni ministar zdravstva (u daljnjem tekstu: ministar) rješenjem o osnivanju i imenovanju komisije.

Ispitna komisija sastoji se od predsjednika i članova komisije koji su ujedno i ispitivači za pojedine predmete.

Predsjedniku i članovima komisije određuju se zamjenici.

U ispitnu komisiju imenuju se osobe s visokom stručnom spremom.

Članak 4.

Administrativne poslove ispitne komisije obavlja tajnik, odnosno njegov zamjenik, kojeg imenuje ministar rješenjem o osnivanju i imenovanju komisije.

Članak 5.

Prijavnicu za polaganje stručnog ispita kandidat podnosi Federalnom ministarstvu zdravstva.

Uz prijavnicu prilaže:

- diplomu u izvorniku ili ovjerena fotokopija diplome,
- ovjerena fotokopija uvjerenja o državljanstvu,
- dokaz o radnom iskustvu u struci.

Članak 6.

Kandidatu koji ispunjava sve uvjete propisane ovim pravilnikom, ministar odobrava rješenjem polaganje stručnog ispita i izvješćuje ga o mjestu i vremenu polaganja ispita najkasnije osam dana prije ispitnog roka.

Kandidatu koji ne ispunjava uvjete za polaganje stručnog ispita, ispitna komisija o tome dostavlja obavijest uz povrat dokumentacije.

Članak 7.

Kandidat može odustati od polaganja stručnog ispita, ali je obvezan o tome pismeno izvijestiti ispitnu komisiju najkasnije 3 dana prije dana određenog za polaganje stručnog ispita.

Članak 8.

Opći uspjeh kandidata na stručnom ispitu ocjenjuje se komisijski. Ispitivač sudjeluje u ocjenjivanju uspjeha kandidata samo za predmet koji je ispitivao.

Ocjena uspjeha je položio ili nije položio.

Članak 9.

Kandidat koji na stručnom ispitu nije zadovoljio iz dva predmeta može polagati popravni ispit iz tih predmeta najranije u roku od 15 dana, a kandidat koji nije zadovoljio iz tri predmeta, može polagati popravni ispit iz tih predmeta najranije u roku od 30 dana, a oba najkasnije u roku od 6 mjeseci od dana polaganja ispita.

Ako kandidat u roku iz stavka 1. ovog članka ne izađe na popravni ispit, polaže ponovno cijeli ispit.

Kandidat koji nije zadovoljio na popravnom ispitu, može ponoviti cijeli ispit u roku od najranije 2 mjeseca, a najkasnije u roku od 6 mjeseci od dana polaganja ispita.

Članak 10.

Kandidatu koji je položio stručni ispit izdaje se uvjerenje o položenom stručnom ispitu za zdravstvenog inspektora.

Obrazac uvjerenja iz stavka 1. ovog članka sastavni je dio ovog pravilnika.

Članak 11.

Federalno ministarstvo zdravstva vodi knjigu evidencije kandidata koji su polagali stručni ispit za zdravstvenog inspektora koji sadrži:

- ime i prezime kandidata,
- datum i mjesto rođenja,
- datum polaganja stručnog ispita,
- postignut uspjeh na stručnom ispitu,
- broj izdatog uvjerenja o položenom stručnom ispitu.

Članak 12.

Ispitna komisija i tajnik na stručnom ispitu imaju pravo na nadoknadu.

Visinu nadoknade iz stavka 1. ovog članka određuje ministar posebnim rješenjem.

Članak 13.

Ovaj pravilnik stupa na snagu osmog dana od dana objave u "Službenim novinama Federacije BiH".

Broj 06-37-756/00
14. veljače 2000. godine
Sarajevo

Ministar
prof. dr. **Božo Ljubić**, v.r.

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO ZDRAVSTVA**

Broj:

Datum:

Temeljem članka 10. Pravilnika o stručnom ispitu za zdravstvenog inspektora ("Službene novine Federacije BiH", broj 5/2000) federalni ministar zdravstva, izdaje

**UVJERENJE
o položenom stručnom ispitu
za zdravstvenog inspektora**

(ime i prezime)

rođen-a _____ u _____
(dan, mjesec i godina) (mjesto)

(država)

polagao-la je dana _____ 199___. godine stručni ispit pred komisijom
Federalnog ministarstva zdravstva.

Komisija je ocijenila da je kandidat ispit položio i stekao stručnu osposobljenost
za samostalan rad na poslovima

zdravstvenog inspektora

U _____ dana _____ godine

PREDSJEDNIK KOMISIJE**MINISTAR**

.....

M.P.

.....